

MØTEBOK Styremøte 01 - 23

Tidspunkt: 22.02.23 kl 19:00

Stad: Rauland Kraftlag

Desse møtte:

Halvor Fehn, Marit Kåsa, Tor Aage Dale, Ane Killingtveit (leiар), Jarle Nordjordet

Meldt forfall:

Andre til stades på møtet:

Rune Aarhus, sekretær

Saker til møtet:

Sak 01/23: Godkjenning av innkalling og saksliste

Sak 02/23: Referatsaker

Sak 03/23: Godkjenning av årsrekneskap og årsmelding 2022

Sak 04/23: Regulering av priser

Sak 05/23: Budsjett for 2023

Sak 06/23: Regulering av teltområde under reindsyrjakta

Sak 07/23: Orientering frå sekretær, aktuelle saker

Sak 08/23: Eventuelt

Me stadfester med våre underskrifter at møteboka er i samsvar med det som kom fram på møtet

Jarle Nordjordet/s/ Halvor Fehn/s/

Marit Kåsa/s/ Tor Aage Dale /s/ Ane Killingtveit/s/

Sak 01/23: Godkjenning av innkalling og saksliste

Godkjent utan merknadar.

Sak 02/23: Referatsaker

Saksdokument:

2022.12.01.001.1 Uttale til vinteruttak Villrein til Mdir og MT.

2022.12.15 - 612.1 utarbeidelse ny bestandsplan Hardangervidda

2023.01.24-612.1 svar spørreunders vedr CWD og bestandsplan – villreinutvalet

Vedtak:

Godkjent utan merknadar

Sak 03/23: Godkjenning av årsrekneskap og årsmelding 2022

Framlegg til vedtak:

Årsmelding og rekneskap vert godkjent slik det ligg føre

Referat:

Rekneskap og årsmelding vart gjennomgjenge av sekretær.

Vedtak:

Årsmelding og rekneskap vert godkjent slik det ligg føre

Sak 04/23: Regulering av priser

Framlegg til vedtak:

Rauland Fjellstyre aukar prisen på fiske frå 01.04.2023 til fylgjande priser:

Dagskort kr 110,-

Vekeskort kr 390,-

Sesongkort: kr 790,-

Opprette kortkategori fiske frå 01.04.2023 for personar ikkje busett i Noreg:

Dagskort kr 165,-

Vekeskort kr 1185,-

Rauland Fjellstyre holder prisen for Reinsdyrjakt som i 2022. Utarbeider forslag på andre løysingar som kan auke sal av reinsdyrkort og gje meir inntekter til neste styremøte.

Rauland Fjellstyre aukar prisen på småviltjakt for utanbygdsbuande til fylgjande prisar:

Dagskort kr 280,-

Vekeskort kr 1580,-

Sesongkort kr 2590,-

Innanbygdskort fylgjer med ½ pris av utanbygds.

Prisane vert gjeldane frå jaktsesong 2023/2024

Referat:

Det vart ei drøfting rundt tiltak for å auke deltaking på reinsdyrjakt. Enighet i styret om at det viktigaste er å auke rekruttering. Tiltak i så måte vil difor vere prioritert. Det er ikkje aktuelt å auke prisar på reinsdyrjakt.

Vedtak:

Rauland Fjellstyre aukar prisen på fiske frå 01.04.2023 til fylgjande prisar:

Dagskort kr 110,-

Vekeskort kr 390,-

Sesongkort: kr 790,-

Opprette kortkategori fiske frå 01.04.2023 for personar ikkje busett i Noreg:

Dagskort kr 165,-

Vekeskort kr 1185,-

Rauland Fjellstyre holder prisen for Reinsdyrjakt som i 2022. Sekretær får fullmakt til å sjå på andre løysingar/ tiltak for å auke rekruttering lokalt som td jegeprøve i samarbeid med andre aktørar for lokal ungdom.

Rauland Fjellstyre aukar prisen på småviltjakt for utanbygdsbuande til fylgjande prisar:

Dagskort kr 280,-

Vekeskort kr 1580,-

Sesongkort kr 2590,-

Innanbygdskort fylgjer med ½ pris av utanbygds.

Prisane vert gjeldane frå jaktsesong 2023/2024

Sak 05/23: Budsjett for 2023

Framlegg til vedtak:

Ingen framlegg til vedtak.

Referat:

Tidligare budsjett og rekneskap vart gjennomgjenge post for post i fellesskap og det vart justert og satt opp nytt budsjett for 2023. Budsjett for 2022 stemte svært godt og det vart difor foretatt mindre justeringar med mål om eit lite overskot i 2023.

Vedtak:

Budsjett for 2023 vert vedteke slik det no ligg føre.

Sak 06/23: Regulering av teltområde under reindsyrjakta

Framlegg til vedtak:

Sekretær gjevast fullmakt til å arbeide vidare med å få til eit teltpåbod knytt til nærliek til hyttene på Rauland Statsallmenning for jegerar under reinsdyrjakta. Nærleik kan definerast som 150 meter frå hyttene.

Referat:

Bred enighet i fjellstyret om at det ikkje er gunstig med situasjonar rundt telting overalt i terrenget under reindsyjakta. Auka bruk av helikopter og landingsløyve rundt heile Meinsvatn gjer at ein kan lande «i leir» og ha med mykje meir enn om ein td gjeng inn. Dette fører til etablerte «leirar» som år etter år vert nytta. Det vart drøfta 3 argument som gjeng mot denne teltinga; telting midt i reinsdyrtrekk, tryggleik med tanke på jaktsituasjonar, etablering av campar som kan medføre søppel, flytting av steinar og tillaging av ein tydeleg leirplass.

Det vart drøfta kva tiltak som er best egna. Påbod, oppmodingar eller sjå på mogleheten for å regulere dette gjennom landingsløyva. Det var ynskjeleg at sekretær arbeider vidare med dette for å orientere til neste styremøte. Ynskjeleg å få på plass tiltak til kommande haust om mogleg.

Vedtak:

Sekretær gjevast fullmakt til å arbeide vidare med å få til ei tydelegare regulering for å få bukt med telting i terrenget. Det er ynskjeleg å ha dette i tilknyting til hyttene. Aktuelle tiltak: a) Oppmodingar b) Regulering i samband

med landingsløyve c) Forskriftsfesta påbodssoner om telting i tilknyting til gitt avstand frå hyttene.

Sak 07/23: Orientering frå sekretær, aktuelle saker

Mindre orientering om aktuelle tema:

Referat:

- Eit av styremedlemene har meldt flytting ut av bygd med allmenningsrett og bur no i Vinje kommune, men utanfor grensa til allmenningsrett. Dette er fullt lovleg i høve Fjellovas krav til samansetning av styre. Det vart reist spørsmål om konsekvensar sidan dette ikkje har vore praksis. Det vart også stilt spørsmål om vedkommande ynskjer å trekkje seg. Dette var ikkje aktuelt for vedkommande. På bakgrunn av den korte tida som er igjen av fjellstyreperioden blir vedkommande sitjande i fjellstyret utan at dette vil påverke praksis for val av styremedlemmar for vidare periodar. Fjellstyret er tydelege på at det er viktig å oppretthalde eit fjellstyre som hentar medlemmar frå Rauland og Øyfjell som har allmenningsrett.
- Medlemmar bede om å gje signal til sekretær/ leiar om kven som ynskjer å ta attval som styremedlemmar for kommande periode.
- Det vart drøfta stenging av hytter. Fjellstyret har litt delte meningar på kvifor/ og om området på Raulandsallmenningen bør stengjast i vinter. Dette er ikkje det området på vidda som er signalisert at ein ynskjer å trappe ned på aktivitet, primært er det nordvestvidda. Fjellstyret er likevel enige om å støtte opp om dugnaden og vil signalisere dette via heimesider og inatur. Hyttene vil ikkje bli fysisk låst sidan dette kan vere viktige nødbuer.
- Småviltjakt med hund. Det er fleire som har tatt kontakt med sekretær angåande jakt med hund på småvilt på Rauland statsallmenning. Det er ikkje tillede i dag og er heller ikkje ynskjeleg. Dette er det bred enighet om i fjellstyret. Terrenget består primært av høgfjell med fjellrjupe. Det er ikkje egna for jakt med hund. Det er ikkje ynskjeleg med hund i høve fjellrevetablering, det er fleire plassar i allmenningen som har hi og foringsplassar. Det er ikkje ynskjeleg med mykje hund på hyttene, per i dag er hund anvist plass ute eller i kott/ gang. Det er ikkje ynskjeleg med hund som går over større terreng raskt med tanke på meir unødig forstyrring av villrein under dagens situasjon med CWD og det press som er rundt villreinen sin kondisjon.

Vedtak:

Drøtingssaker rundt fjellstyret sine medlemmer og praksis er tatt til etterretning, det er ynskjeleg å opprethalde eit fjellstyre med fjellstyremedlemmar som har allmenningsrett.

Sekretær legg ut info om at hyttene er stengt pga villreinen i vinter.

Det er fortsatt ikkje ynskjeleg å gjere noko med forbodet for småviltjakt med hund inne på Rauland Statsallmenning.

Sak 08/23: Eventuelt

- Ynskjeleg å bytte ut robåten på Kostveitvatn til ein med to sett årepinnar. Vanskeleg å handtere den som er der når det er sterkt vestavind.
- Jarle har kjøpt inn nye garn.
- Mindre tiltak rundt hytter vart drøfta.
- Sekretær sjekkar ut ang feiring av hytter.